

東華續錄

乾隆二十四

臣王先謙敬編

臣周潤著恭校

秋七月丙申諭旨錄總督那蘇圖兩廣總督策楞江蘇巡撫陳大
受福建巡撫周學健簡任封疆歷有年所實心宣力甚屬可嘉那
蘇圖策楞著加太子少傅陳大受周學健著加太子少保以示優
眷○己酉諭軍機大臣等朝鮮國王李昉奏稱臣聞今於鳳凰城
邊外開墾莽牛哨地方設兵屯守信如臣所聞墾田設兵耕種則
中間界河不能禁人往來竟成通衢將禁之難周戒之弗從臣國
邊疆獲罪者自此始矣臣國上下人民不勝惶懼之至臣不得不
據情陳奏等語見已交部議矣具奏時的降諭旨見該國王亦奏
蓋以其境內之人素有乘間偷越空邊者若設兵巡察則伊等不
東華續錄

乾隆二十四

得任意往來所奏亦屬俾鄰小國之人不識大體惟知縱下謀利
不思甯定邊疆而故謂難行以試我亦未可知再伊疏內有從前
鳳凰城立界時曾留沿江曠地百餘里等語此蓋恐我於原留空
地駐兵屯田逼近彼疆耳此等情節達爾黨阿於從前具奏時通
未聲明殊屬錯謬且去年熊岳副都統鄂齊爾欲帶兵出鳳凰城
行間經守邊章京等以與朝鮮國止帛一江所關重大未許其行
達爾黨阿亦曾將此事奏聞今此二處惟莽牛一應行巡察道副
都統什勒們親往察看據稱中江東北哨二十里江中有一洲其
北支水一曲卽莽牛哨地方江中有石一條卽係與朝鮮國分界
處見在添撥官兵巡防皆在吾界內每年三月閒遣舟師四名巡
察於冰釋後撥二舟往守莽牛哨要隘其二舟輪流巡察所有官
兵俱不許踰江中界若彼此各加嚴禁不至相通等語著仍照原

議行勿從其請其鳳凰城邊疆向外餘地開墾耕種一事著照所請行再達爾黨阿前奏請巡察莽牛哨時部議另詢之朝鮮國王再行定擬經朕批准行今朝鮮所奏若此則於彼國必有所不便且雍正九年那蘇圖曾奏此事因朝鮮諄懇故未果行迄今十餘年並無他故其巡察此處於我邊境有無裨益或於伊國實有妨礙之處著再行詳查俟文移往來得其情形辦理亦易此次達爾黨阿若親往巡察誠恐聲張致啟疑端著不必去再令副都統什勒們前往確察達爾黨阿亦當留心務將察看情形據實奏聞不可迴護已往將此寄諭將軍達爾黨阿嚴飭邊界官兵加意防察儻伊屬下人等妄滋事端達爾黨阿即使宜行事一面奏聞一面酌辦不可姑息亦不可輕率無論有事無事惟以防守邊疆爲務○命洪澤湖增護隄救生場四○皇八子永璇生○庚戌諭

戶部尙書海望見在出差侍郎三和傅恆兼管內務府事三人又俱圓明園行走不能時常到部辦事戶部不可無坐辦之堂官著將吏部侍郎雅爾圖調補戶部侍郎其吏部侍郎缺著將德齡調補三和熟悉工程著卽補工部侍郎則兩部得人矣○軍機大臣議覆福建巡撫周學健奏福安縣潛任夷人以大主教招致男婦二千餘人書役等俱被蠱惑請從嚴治罪等語查天主教係西洋本國之教與燃燈大乘等教有閒遽繩以法似於綏遠之義未協應令該撫將見獲夷人蓋送澳門勒限搭船回國從教男婦擇情罪重大不可化誨者按律究擬若無知被誘量予責釋毋致滋擾從之○甲寅兵部議奏朝鮮國王李吟奏近聞熊岳副都統來中江查閱邊界欲於莽牛哨添設屯兵想鳳城展棚開墾伏念鳳凰城棚外曠地百餘里禁人居住以免漏雜今若墾土設屯則衣帶

之水不足以限往來之路易於相通查康熙五十四年土國民人等有在土門江岸結屋居住者蒙 聖祖仁皇帝敕毀雍正九年草鬻河匯流欲設卡防守蒙 世宗憲皇帝停罷乾隆二年內地商民議與中江交市又蒙 皇上諭令中止今副都統來查之地卽雍正九年停罷防汛之所而今此設屯墾土之事比土門中江等事輕重相懸仰懇降旨停罷等語查奉天將軍達爾漢阿原議於莽牛哨添設官兵原因該處係內地邊界應駐官兵彈壓復經查明江心有石嶼一道與朝鮮東西分界所議駐兵處與該國界址尚隔巨浸卽開展邊界墾闢地畝亦係內地不至雜處且原議兵船於兩岸停泊不許擅侵東界惟期查拏奸匪以爲久遠安全之計則設汛之議不特邊境肅清於外藩亦大有裨益應將該國王所奏均無庸議得旨莽牛哨添設官兵巡查一案前據部議應

再令該將軍悉心妥酌續據達爾黨阿奏稱令熊岳副都統什勒們親往查看設汛之處與朝鮮實不相通無慮瀾維滋擾且於內外俱屬有益經部覆准朕已允行茲該國王陳奏前來以興土設屯於伊國未便朕又敕交部議該部以無庸議覆奏朕思我朝加恩朝鮮從來渥優今莽牛哨添設官兵巡查一事既經什勒們查明與該國界址無慮瀾維滋擾且於內外俱屬有益而該國王又陳奏其不便情詞懇切究未知該地實在情形如何著兵部尚書班第馳驛前往同什勒們將彼地情形詳加察勘如果設汛之處係中國界內與彼國毫不相涉則設兵置汛以杜奸宄所以肅清邊防自應應行之事即該國王懇請亦不便准行若其地界或有犬牙相錯難免瀾洽之處亦即據實奏聞候朕另降諭旨至從前議准達爾黨阿所奏展邊墾土一案該國王既稱鳳凰城樹柵之

外向留空地百餘里務使內外隔截以免人煙輳集溷雜滋事之患此奏尙屬可行著將鳳凰城展棚之處照該國王所請停止並令該部傳諭該國王知之○丁巳諭朝鮮國王李昫奏請停止鳳凰城邊外墾田莽牛哨地方添設巡祭兵丁表內援引康熙五十四年奏請拆毀土門江岸所建廬舍禁止種田蒙 聖祖仁皇帝恩准雍正九年奏請停止莽牛哨地方設立卡座蒙 世宗憲皇帝恩准乾隆二年請罷中江互市亦蒙朕恩准各情節歷查舊案實係皆俯准所請行可知我欲舉行之事因伊奏請俱已停止此固懷柔小邦之意但屢以難行之事俯准所請輒爲停止於國家體制亦有不合轉爲輕視曷若不舉行之爲愈也此等情節著曉諭達爾黨阿凡事俱遵照舊制辦理似此有名無實礙難辦理之事著勿舉行後任將軍大臣不知復恐有欲如是辦理者著存記

該處檔案以便永遠遵行○辛酉諭御史戴章甫奏請續修吏部見行則例以備章程俾法制周詳按冊可考等語朕思爲政之要貴於端本本既立則總持大綱使萬目無不條貫自免叢脞之患此臨下以簡正諸務之所由就理非屏棄一切之謂也夫經理庶政整飭官常自不得不立定章程定章程乃所以昭法守書曰其爾典常作之師欲其遵守而無事紛更也國家所定法制皆盡善盡美原極純備因簿書日繁其事偶有一二難於畫一者不得已而稍爲變通不過隨時酌辦因事加詳豈能遠勝於前卽斟酌妥協亦不出前人範圍之內若必欲每事立一成規無論勢難畢備而條分縷析屢易屢增實亦無此政體管杜預云簡書愈繁官方愈僞不揣其本而齊其末其失滋多且條件繁瑣則官司不能記憶考覈難以徧及以類相溷不知何所適從而書吏之緣以爲奸

者置其正條出近似者以逞其欺蔽尤易於上下其手其弊可勝舉乎又據稱刑部則例館曾奏明三年一次纂輯今吏部則例續至五年似宜先行纂輯等語刑部爲讞決之司動關民命其條例擬議之處較別部爲多但見在律例皆再三詳定以期協中亦不宜輕於損益從前所定三年朕意亦謂太速嗣後刑部似應限以五年至於吏部等部則例卽限以十年亦不爲遲著大學士會同九卿將如何分年纂輯之處定議具奏○癸亥命江蘇截漕糧二十萬石備賑○賁准二水盛漲命河臣妥籌善後機宜

八月乙丑免江蘇賦外雜辦銀兩○辛未諭朕覽御史周禮奏請將戶部侍郎李元亮開缺守制一摺所奏似是而非且有意以行其私國家用人其權斷不可下移或倣照定例或偶爾變通朕心自有權衡總期得人任事耳豈臣下所可意爲進退者如果所用

之人或有不當所行之政或有闕失言官自當陳奏以盡繩愆糾謬之責豈可於用人大事懷挾私心借守禮之名以阻撓國政乎且守禮之議明朝爲甚竟成門戶操戈相向試問於彼時政務曾有何裨益乎是以雍正年間開有令諸臣在任守制者而亦絕無守禮之議此正政治清明下無浮議之善驗也止以外任官員多有鑽營督撫保題之弊幾至習爲故常朕是以降旨停止其必不可少之人無能相代者仍准保題覈奪卽外任大員有丁憂者亦令回京守制或在內用爲卿貳或外缺又復需人仍令前往署理其在外必需之有司官員斷難更易者經督撫題請不令回籍開亦允從此皆因地因人於禮制之中稍爲權宜並未於滿漢而有所區別也乃周禮奏稱李元亮雖屬旗員究不與滿洲並論不知漢軍百年以來與滿洲無異卽有事故亦皆遵百日成服之例過

期卽照舊任事李元亮見爲都統例不開缺豈伊可爲都統而侍郎反不可乎周禮之意不過以爲復古漢人一缺耳又奏稱何必與前旨相違以致聖謨洋洋頗成反汗等語朕前旨內原有無人相代仍准保題之例今春令大學士尙書侍郎內保舉能勝侍郎之員而所舉率多不能勝任經朕召見一一指出面加申飭周禮獨不聞知而爲此奏亦何煩煩至於此極目前應補侍郎之人朕再三籌度或曾經擢用知其不能勝任者或新進未久難以遽加升遷者是以仍留李元亮與旗例相符卽從前韓光基亦係如此蓋因得人之難周禮如何輕言天下事而遽以不忠代職無人噪噪陳奏乎此必有師生親舊覬覦此缺授意爲之者且借朕所頒諭旨以博敢言之名而行其假公濟私之旨朕何如主豈伊狡猾伎倆所能搖奪乎前明言官各立門戶互相排擊矢口譏訕以致

溷淆國是釀成尾大不掉之患近來御史各逞胸臆非借以沽譽卽意在徇私如此等非所應言之事而亦肆其簧鼓大有關於政務此風斷不可長周禮著嚴飭行並曉諭科道等官共知之○辛巳以徐以升爲直隸按察使

山山西冀
寧道遷

○癸未

上御經筵○甲

申諭康熙二十年七月我

聖祖仁皇帝駐蹕瀛臺特召大學士

以下各部院衙門官員賜宴命內大臣傳諭慰勞賞賚有差至今稱爲盛事朕臨御以來仰賴上天眷佑海宇乂安今歲京師雨暘應候百穀蕃昌畿輔共獲有秋各省亦多收穫天庥滋至我

君臣應額手慶成今當秋風薦爽景物咸和念茲宗藩瓜瓞誼屬本支大小臣工宣猷效力宜循往典錫之宴享以昭君臣一體之意叶笙簧酒醴之歡著於瀛臺設宴本月二十七日宴王公及近支宗親二十八日宴大學士九卿京堂翰詹科道職考古昔君臣

有賞花釣魚宴飲賦詩之事諸臣內或文學侍從或翰墨素嫻者
著入宴賦詩以效唐賜喜起之風焉○戊子免江南海州及沐陽
等州縣民竈積欠○己丑盛京刑部侍郎托時以老病乞休允之
○庚寅 上幸瀛臺賜王公宗室等宴易殿名崇雅爲惇敘賦柏
梁體詩王公宗室咸請 上御製分賜列名序曰乾隆丙寅秋八
月式宴王公宗室於瀛臺之惇敘殿法 皇祖也惟時朕諸叔父
列王爵者四人皇弟封王者二人皇子三人宗室王公有爵者三
十二人念我羣從子姪孫姓之同出自 皇祖者或俟封或爵不
至與宴之列十年以來未舉和會之典親親之誼疏焉則亦命入
今日之座凡六十有二人其以事故是日未至者復五十餘人於
戲自黃虞以來有大德之得其位得其祿得其名壽如我 皇祖
者其誰耶卽子孫之繁衍雖文王不得尙之使目前之振振揖揖

我皇祖 皇考式臨式憑于與諸弟兄子姪孫姓稱觴獻壽於其間其愉悅鼓舞又當何如歡極而戚固情之所必至也然今日之宴會我皇祖 皇考實式臨之實式憑之諸伯叔父自當以予言爲不謬也則又灑然以怡焉昔漢武帝柏梁之宴同姓者惟梁王武及宗正安國而已其餘皆羣臣然尙以此留詩唐明皇收集仙殿爲集賢顧從之義尙矣而周親未與亦闕典也朕今易崇雅爲惇敘以紀今日之事復倡爲首句以俟衆作之成凡今茲之揆藻得句者皆我皇祖 皇考遺教之所垂也又何必舉金谷之例乎 上倡首句曰筵開惇敘欣同堂康親王巴爾圖以次賡續成章 上復製七言律詩三章詩曰露色煙光靄禁垣昌辰嘉宴會親藩穀登萬寶真成瑞菊先重嘯已泛樽拂檻龍葱木有本拍隄汪濊水宗源何須禮數拘酬酢同是神堯膝上孫雕齒紅

橋玉影明壺天縱目儼蓬瀛拂招林曛風光美負帶煙霞景物清
笑語從容伯兮叔獻酬交錯弟於兄一堂敦睦家人吉卻陋山河
帶礪盟綺疏晴旭麗噴噴樂事天倫和氣融徐進雕盤瓜有脆繁
滋釀岫樹連叢情舒共許飛吟管興洽偏思駐漏箭行葦歌成欣
既醉高秋棲閣靄春風命王公宗室賡和宴畢賞賚有差○辛卯

上御瀛臺賜大學士九卿翰詹科道等宴宣示七言律詩四章
詩曰趨陂鵝侶接鳴珂霽宇空濛氣色和共喜向筵開早菊多緣
紀歲得嘉禾柏梁臺畔騰騰集仙萼亭邊載筆過緬想虞廷傳盛
事颺言何以繼磨歌鏡中樓閣五雲稠皎日揚輝素景浮湛露詩
成天酒下蓼蕭樂作徵招流曲江早獻千秋鑑梁國還登太液舟
三世方明陪御賞從教佳話冠螭頭誠宵猶覩曉蟾娟濟濟冠裳
擁燄煙丹粟香中陳桂醕玉山頽處酌瓊筵崇牙徐聽鈞天奏高

閣遙聞畫漏傳此日舍毫多沈宋昆明漫數景龍年龍忽雞樹翠
華留相悅君臣共唱酬亭上宴開惟卜畫樓前誦賜正登秋在陰
鳴鶴方驛爵樂藻游魚不避鈎試問彬彬玉堂客瀛臺然否卽瀛
洲命羣臣賡和宴畢賞賚有差○壬辰諭據福建提督武進陞摺
奏汀州府上杭縣因蠲免錢糧鄉民欲將所納業戶田租四六均
分有土棍羅日光羅日照等聚眾械毆業主及至地方官弁撥差
兵役拘攝復敢聚眾拒捕等語朕普免天下錢糧原期損上益下
與民休息至佃戶應交業主田租惟令地方官勸諭有田家之聽
其酌減以敦任恤之誼初未嘗限以分數使之寬減卽如朕之觸
租賜復出自特恩非民間所能自主佃戶之與業主其減與不減
應聽業主酌量卽功令亦難繩以定程也豈有任佃戶自減額數
抗不交租之理且輕徭薄賦原以培養善良使之常享樂利庶習

向日漸消靡若莠民頑梗不馴轉恃上恩以逞其兇惡此乃國法之所難宥斷不可稍存寬縱者從前御史等條奏民風漸驕不宜任其日熾朕尙以此言爲太過今閩省刁民聚黨抗拒而近日高城亦奏報江南宿遷奸徒欲報全災希圖普賑挾制罷市一事可知民氣日驕洵屬不誣朕乃蹈所謂莫知其子之惡矣羅日光等借減租起釁逞兇不法此風斷不可長著嚴拏從重究處以儆刁頑毋得疏縱至於各省民情固不無愚悍之處亦緣各督撫謂朕保赤惠鮮止知奉行德意遂不覺漸流爲姑息不知父母無不愛之子而於子之賢者自必恩勤撫育若不肖之子又須重加懲創豈容任其驕縱以長奸惡應令各該督撫統率地方有司留心化導在淳良者自應勤於撫字如不逞之徒必有以戢其桀驁之風則旌淑別惡而稂莠悉除風俗自可轉移是父母斯民者之責也